



Broj: T18 0 KT 0017428 24
Datum 09.02. 2024.godine

OPTUŽNICU

Protiv:

BOJANA RADOVANOVIĆ, ... rođen ... 1983. godine u Brčkom [...]

Što je :

Večeri 12.01.2024. godine, oko 21,50 časova u Brčkom u ulici Miroslava Krleže na broju 3. u unutrašnjosti ugostiteljskog objekta „Kutak“, tek nakon 3 do 4 minute što je oštećeni ušao u objekat i stao za šank, bez ikakvog povoda krećući se ubrzanim korakom sa suprotnog kraja objekta, naglo prišao za šank oštećenom Dervišević Mirzi, za kojeg je osnovano zaključio da je novinar i urednik portala „Times.ba Brčko“, na kojeg je Bojan bio krajnje ljut i kivan zbog objavljenih tekstova na ovom portalu u smislu neregularnosti pri izgradnji zgrade u centru grada čiji je investitor i izvođač radova firma u kojoj je Bojan suvlasnik, pa kada mu je Mirza na Bojanov upit je li on ta osoba, to uljudno i potvrdio, Bojan imitirajući da mu pruža ruku radi upoznavanja, sasvim blizu prišao Mirzi, te ga iznenada snažno sa dvije svoje otvorene šake udario istovremeno sa obje strane glave u predjelu slijepoočnica i oba uha, a potom ga sa obje ruke uhvativši ga za garderobu u predjelu ramena odvuкао u uži hodnik odnosno predulaz u objekat, gdje je krajnje skućen prostor, oborio na pod, te svjestan svog postupanja i u namjeri da ga tjelesno povrijedi, nastavio mu zadavati više jačih udaraca pesnicama u predjelu lica i glave, te šutiranjem nogom pri čemu Dervišević nije pružao apsolutno nikakav otpor, već samo svojim rukama zaklonio lice, kako bi zaštitio nos i vilicu od pucanja kostiju i same oči, pri čemu mu je Bojan tokom udaranja, znajući da bi to svakoj osobi stvorilo strah i bojazan za njega i njegove bližnje, sa tim ciljem uputio ozbiljne riječi prijetnje „ Hajde, napiši još jednom takav tekst, ja ću te ubiti. Napiši još nešto, slijedeći put, j..... ti ja mater, samo još jednom, ubiću te, jesi li čuo!?“ , nastavljajući i dalje da ga silovito udara, ali su ga nekako od Mirze uspjela odvući druga prisutna lica u restoranu, a Mirza uspio izaći kroz vrata hodnika i napustiti objekat, te odmah pozvati policiju, kojom prilikom je Mirzi nanio više lakih tjelesnih povreda u vidu krvnog podliva gornjeg dijela lijevog jagodičnog predjela lica i lijeve strane gornje polovice nosne piramide u istom nivou, dva manja krvna podliva kože desne strane čela, od kojih jedan nešto iznad vanjskog dijela obrvnog luka, a drugi nešto znatnije iznad njegove unutrašnje polovice, natučenje gornjeg dijela lijevog tjemenog predjela glave i krvni podliv kože prednje unutrašnje strane središnjeg dijela lijeve potkoljenice, te kod oštećenog Derviševića izazvao znatan strah i uznemirenost, kako zbog naprasnog napada na njega, tako i zbog upućenih ozbiljnih riječi da će ga ubiti zbog tekstova koje objavljuje kao novinar, a pogotovo kod istog stvorio opravdan strah iz razloga što je prije nepunih 5 mjeseci na njega iz čista mira dok je bio sa majkom u gradu izvršio fizički napad maskirano lice i zadalo mu brojne povrede, te zbog bojazni za svoje dvoje malodobne djece koja su takođe bila u Brčkom i starijih roditelja koji tu i žive

dakle, drugog lako tjelesno povrijedio, te ugrozio sigurnost neke osobe ozbiljnom prijetnjom da će je lišiti života

čime je, počinio krivično djelo - Laka tjelesna povreda - iz člana 170 stav 1. Krivičnog zakona Brčko distrikta BiH u sticaju sa krivičnim djelom- Ugrožavanje sigurnosti iz člana 180. stav 1. Krivičnog zakona Brčko distrikta BiH, a sve u vezi sa članom 54. istog Zakona.

Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica.